

寶顏堂訂正集異志卷之一

唐比部郎中陸勳集

明 華亭 陳繼儒 校

樵李 高承埏 校

魏襄王十三年魏有女子化爲丈夫京房曰女子化爲丈夫茲謂陰昌賤人爲王丈夫化爲女子茲謂陰勝厥咎亡一曰男化爲女宮刑濫也女化爲男婦政行也



齊潛王時齊有人當闕而哭者求之不得去則
聞其聲其後燕昭王伐齊潛王出奔爲淖齒所
殺

秦始皇三十六年有大人長五丈足履六尺服
夷狄服凡十二人見於臨洮天戒若曰勿爲夷
狄之行將受其禍是歲始皇初并六國反喜以
爲瑞銷天下兵器作金人十二以象之後十四
年而秦亡

漢景帝二年九月膠東下密人年七十餘生
角有毛時膠東膠西濟南菑川四國有舉兵謀
反謀有吳王濞起連楚趙凡七國下密縣居四
齊之中角兵象上鄉者也老人吳王象也年七
十七國象也天戒若曰人不當生角猶諸侯不
當舉兵以鄉京師也禍從老人生七國俱敗亡
漢哀帝建平中豫章有男子化爲女子嫁爲人
婦生一子長安陳鳳言此陽變爲陰將亡繼嗣

自相生之象一曰嫁爲人婦生一子者將復一世乃絕

漢武帝與羣臣宴未央方食黍糗忽聞語云老臣尋覓不見梁上有一公長九寸拄杖僂步帝問之公下稽首不言自仰視屋俯指帝脚忽然不見問東方朔朔對曰其名爲藻兼水木之精來訴耳仰視屋者殿名未央也俯視脚者脚足

也願王足於此也帝爲此暫止後幸河渚聞水底有絃歌之聲馘饈芬芳前梁上公及年少數人絳衣素帶皆長八九寸凌波而出或有挾樂器者帝命坐於食案上老父曰老臣前昧死歸訴幸蒙陛下卽息斧斤全其居宅不勝欣躍故私相賀耳便治絃而歌聲大小無異於人清婉繞梁帝欣悅勸酒乃獻帝一紫螺殼中有物狀如牛脂帝又曰可思 瑯珍異見貽老父顧命

取洞穴之寶一人下波淵帝倏忽還得一大珠
數寸明耀絕世俄而公等忽然而去東方朔曰
螺殼中是蛟髓以傳面令人好顏色又女子於
坐草中用之產易武帝惑於神仙故有此怪
漢靈帝建寧二年雒陽西門外女子生兒兩頭
異肩共臂俱全人以為不祥墮地即棄之自此
之後河內婦食夫河南夫食婦時靈帝昏弱宦
官專政其後宋后被廢此其應也

光緒元年五月壬午有人白衣欲入德陽門
稱梁伯夏教上殿為天子中黃門垣賢等呼門
吏僕射欲收縛須臾還去求索不得不知姓名
其後張角作亂漢室遂亡

漢獻帝初平長沙有人姓桓氏既死棺殮月餘
其母聞棺中有聲開棺出之遂生占曰至陰為
陽下人為上其後曹操由庶士起建安七年越
地有男子化為女子周羣上言哀帝時亦有此

異將有易代之事至二十五年漢亡

漢末糜竺嘗從洛歸未達家數里路傍見一婦人從竺求寄載行可數里婦謝去謂竺曰我天使也當往燒東海糜竺家感君見載故以相語竺因私請之婦曰不可不燒如此君可馳去我當緩行日中火當發竺乃還歸遽出財物日中而火大發

漢末大亂有發前漢時宮人塚者宮人猶活既出復平如舊魏郭后愛念之留於宮中常在左右問漢時宮中事言皆有條緒未幾郭后崩其人泣死

吳孫策欲渡江襲許與于吉俱時大旱所在熇厲策催諸將士使速引船或身自早出督切見將士多在吉所策因此激怒言我不如于吉耶而汝等爭先趨附之使使收吉至呵問之曰天旱不雨道途艱澁得過孤自早出而卿不同

憂戚安坐船中作鬼物態惑吾部伍會當相除
令人縛置地上暴之使請雨若能感天日中雨
者當原赦不爾行誅俄而雲氣上蒸膚寸而合
至日中大雨總至溪壑盈溢將士喜悅以爲吉
必見原並往慶慰策遂殺之將士哀惜共藏其
尸至夜忽更興雲覆之明日往視不知所在策
每獨坐彷彿見吉在左右意深惡之頗有失常
後治創方差而引鏡自照見吉在鏡中顧而弗

見如是者再三因撲鏡大叫劓皆崩裂須臾而
死

吳孫權太元元年臨海羅陽縣有神自稱王表
周旋民間言語飲食與人無異然不見其形又
有一婢名紡績是月遣中書郎李崇賚輔將軍
羅陽王印綬迎表表隨崇俱出與崇及所在郡
中令長談論崇等無以易所歷山川輒遣婢與
神相聞秋七月崇與表至權於蒼龍門外爲立

第舍數使近臣賫酒食往表說承旱小事往往

讒有驗

孫盛曰盛聞國將興聽於民國將亡聽於神權年老志衰權臣在側廢嫡立庶以妾爲妻可謂涼德矣涼薄也而爲歿待命求福妖邪將亡之兆不亦顯乎

吳孫休時烏程人有得困疾及差能以響言者言於此而聞於彼自其所聽之不覺其聲之大也自遠聽之如人對言不覺其聲之自遠來也聲之所往隨其所向遠者所過向十數里其隣人有責息於外歷年不還乃假之使爲責讓怛

以禍福負物者以爲鬼神卽顛倒昇之其人亦不自知其所以然也此亦妖異也

吳孫皓寶鼎元年丹陽宣騫母年八十因浴化爲龜兄弟閉戶衛之掘堂上作一池寔水中龜入池遊戲二日引頸外望伺戶小開便轉輪自躍入於遠潭遂不復還此吳亡之象也

吳成將鄧喜殺猪祀神治畢懸之忽見一人頭往食肉喜引弓射之咋咋作聲繞屋三日後人

白喜謀北叛闔門被誅

後周保定三年有人產子男陰在背上如尾兩足指如獸爪陰不當生於背而生於背者陰陽反覆君臣顛倒之象人足不當有爪而有爪者將至攬人之變也是時晉陽公宇文護專擅朝政征伐自己陰懷篡逆天戒若曰君臣之分已倒矣將行攬噬之禍而見變而悟遂誅晉公親萬機克平齊國號為高祖轉禍為福之效也

晉武帝咸寧二年十二月琅邪人顏畿病死棺歛已久家人咸夢畿謂已曰我當復生可急開棺遂出之漸能飲食屈伸視瞻不能行語二年復死京房易傳曰至陰為陽下人為上厥妖人死復生其後劉石僭逆俱亡

晉惠帝元康中安豐有女子周世寧八歲漸化為男子至十七八而氣性成京房易傳曰女子化為丈夫茲為陰昌賤人為王此亦劉石覆蕩

天下之妖也

晉惠帝光熙元年會稽謝真生子頭大而有髮兩蹠反向上有男女兩體生便作丈夫聲經一日死此下人伐上之疴諸王僭亂之妖也

晉惠帝時梁國女子許嫁已受禮聘其夫戍長安經年不歸女家更以適人女不樂行其父母強迫之不得已而去尋病卒其夫戍還問女所在其家備言其事夫徑往墓所哭甚哀便發塚

開棺女還活因與俱歸後夫聞之詣官爭之不能決祕書郎王導以爲宜還前夫朝廷從其議晉懷帝永嘉元年吳縣萬詳婢生子烏頭兩足馬蹄一手無尾黃色大如枕此亦人妖亂之象也五年五月抱罕令嚴根婢產一龍一女一鵝京房易傳曰人生他物非人所見者皆爲天下大兵是時承惠帝之後四海沸騰尋而陷於平陽爲劉聰所害此其應也

晉愍帝建興四年新蔡縣吏任僑妻產二女腹
與心相合自胷以上臍以下各分此蓋天下未
一之妖也時內史呂會上言按瑞應圖異根同
體謂之連理異畝同穎謂之嘉禾草木之瑞猶
以爲瑞今二人同心易稱二人同心其利斷金
蓋四海同心之瑞也時皆哂之俄而四海分崩
帝亦淪沒

晉元嘉九年南陽縣遺書狂生忽聞室中有人
呼其夫婦名甚急夜半乃止殊自驚懼後數日
婦產後還忽舉體衣服總是血未及三月而夫
婦相繼病卒

晉謝靈運以元嘉五年忽見謝晦手提其頭來
坐別牀血淋落不可忍視又所服豹皮裘血淹
滿篋及爲臨川郡飯中忽有大蟲謝遂被誅
魏公孫淵家數有怪犬冠幘絳衣上屋炊有小
兒蒸死甑中襄平北市生肉長圍各數尺有頭

目口喙無手足而動搖占曰有形不成有體不
聲其國滅亡始公孫度據遼至淵三世而亡
漢劉聰建興元年正月平陽地震其崇明觀陷
爲池水赤如血赤氣 亘天有赤龍奮迅而去
流星趙作牽牛入紫微龍形委蛇其光照地落
於平陽北十里視之則肉長三十步廣二十七
步臭達於平陽肉旁有哭聲晝夜不止數日聰
后劉氏產一蛇一獸各害人而去尋之不得頃

之見於隕肉之旁是時劉聰納劉殷二女並爲
后天戒若曰聰旣自姓劉二后又俱劉氏逆骨
肉之綱亂人倫之則隕肉諸妖其禍亦大俄而
劉氏死哭聲自絕

漢劉聰時光義人羊充妻產子二頭其夫竊而
食之三日而死

劉聰子約死一指猶暖遂不殯歛及蘇言見元
海於不周山經五日而遂復從至崑崙山三日

而復返於不周見諸王公卿將相死者悉在宮室甚壯麗號曰蒙珠離國元海謂約曰東北有遮須夷國無主久待汝父為之汝父後三年當來來後國中大亂相殺害吾家死亡略盡但可永明輩十數人在耳汝宜還後年當來見汝不久約拜辭而回道過一國曰猗尼渠餘國引約入宮與約皮囊一枚曰為吾遺漢皇帝約辭而歸謂約曰劉郎後年來必見過當以小女妻之

約歸置皮囊於几上俄而蘇使左右几上取皮囊開視之有一方白田玉題文曰猗尼渠餘國天王敬信遮須夷國天王歲在攝提當相見也馳使呈聰聰曰若審如此吾不懼死也及聰死與此王并葬焉

劉約之言雖荒唐然劉聰淫虐無道亦其將亡

之先非也

晉元帝末昌元年甘卓將襲王敦既而中止及還家多變怪照鏡不見其頭尋為王敦所襲遂

夷滅安帝義熙初東陽太守殷仲文照鏡不見其頭尋亦被害

晉阮瞻嘗著無鬼論而一鬼通姓名作客詣之寒溫畢仰談名理客甚有才辯與言良久及鬼神事乃作色曰鬼神古今聖賢所共傳君何獨言無耶僕便是鬼於是變為異形須臾便滅阮嘿然大惡之年余卒

東晉王綏為冠軍將軍其家夜中梁上無故有人頭墮於牀而血流淋漓俄拜荊州刺史坐其父愉之謀與弟納並被誅

晉元帝大興三年十二月謝平妻生女墮地鼻有齒都連為一胸如鱉手足爪如鳥爪皆下勾此亦人生他物非人所見者後二年王敦反有石頭之敗

符健時新平有長人見語百姓張靖曰符氏應

天受命今當太平外面者歸中而安泰問姓名不荅俄而不見新平令以聞健以爲妖下靖獄會霖雨河渭溢蒲津監寇登得一履於河長七尺三寸人跡稱之指長尺餘文深一寸健嘆曰覆載之中何所不有張靖所見定不虛也乃赦之

宋文帝元嘉末長廣人病差使能食而不得臥一飯輒覺身長如此數日頭遂出屋段究爲州

刺史度之長三丈復還漸縮如舊經日而亡而文帝爲凶劭所害

梁武帝太清元年丹陽有莫氏妻生男眼在頂上大如兩歲兒墮地而言曰兒是旱疫鬼不得住母曰汝當令我得過疫鬼曰有上官何得自由母可急作絳帽故當無憂母不暇作絳帽以絳繫髮自是旱疫者二年楊徐兗豫尤甚莫氏鄉鄰多以絳免他士效之無驗

梁武帝天監十五年七月荆州市殺人而身不
擅首墮于地動口張目血如竹箭直上文餘然
後如雨細下是歲荊州大旱此冤氣之應

後魏肅宗熙平二年并州祈縣人韓僧真女從
母右脇而出胡太后令付掖庭養之太后臨朝
爲元人劉騰幽於永巷後竟被爾朱榮沉於河
魏室因茲大亂

後魏時有高句麗王曰大餘其先朱蒙朱蒙

母河伯女爲夫餘王閉於宮中爲日所照引身
避之日影又逐旣而有孕生一卵大如五升夫
餘王棄之犬豕犬豕不食棄之於野衆鳥以毛
茹之夫餘王割剖之不能破遂還其母其母以
物裹之置一暖處有一男子破殼而出及其長
也字之曰朱蒙後夫餘王追殺之東南走遇大
水欲濟無梁朱蒙告水曰我是日子河伯外孫
於是魚鱉並浮爲之成橋得渡至紇升骨城遂

集異志卷一
居焉號曰高句麗因以爲氏

後齊高洋天保中臨漳有婦人產子二頭共體是後政由奸佞上下無別兩頭之應也

後周武帝時有強練者佯狂持一瓢至宇文護門而擊破之曰身尚可子苦矣時護專政因朝太后帝擊殺之發兵捕其諸子皆被楚毒而死強練又行乞於市人或遺之粟麥輒以無底袋受之因大笑曰盛空未幾周滅隋高祖移都長

安城爲虛矣

陳後主禎明二年有神自稱老子游於都下與人對語而不見形言吉凶多驗得酒輒飲之經三四年乃去有船下忽聞人言明年亂視之得死嬰兒長三尺而無頭明年陳亡

陳周文育爲鎮南將軍初文育據三陂時有流星墜其聲如雷地陷方二丈中有碎灰數斗又軍市中忽聞小兒啼一市並驚聽之在上下軍

人掘得木棺長三尺文有惡之俄而見殺

北齊爾朱世隆爲尚書令當晝寢其妻奚氏忽見一人持世隆首去奚氏驚怖就視而寢如故既覺謂妻曰向夢人斷我頭去意殊不適不久被誅

隋文帝仁壽二年西河有胡人乘騾在道忽爲回風所飄并一車上千餘夫乃墜皆碎焉京房易傳曰衆逆同志至德乃潛厥異風後二年漢

王諒在并州潛逆謀亂車及騾騎之象也升平而墜顛沛之應也天戒若曰無妄動車騎終當覆敗而諒不悟及高祖崩諒發兵反州縣響應衆至數十萬月餘而敗

隋煬帝大業元年鴈門人房回安母年百歲額上生角長二寸洪範五行傳曰婦人陰象也角兵象也下反上之應是後天下果大亂陰賊圍帝於鴈門


隋煬大業七年正月朔旦有盜衣白練裙襦手持香花自稱彌勒出世入建國門奪衛士仗將爲亂齊王暕過而斬之後三年楊玄感作亂引兵圍洛陽戰敗乃伏誅

武后神功元年二月庚子有人走入端門又入則天門至通天宮門守門者及杖衛不知覺時來後臣婢產一肉塊如三升器剖之有赤蟲須臾化爲蜂螫人而去

武后時武三思置一妾絕色士大夫皆訪觀之狄梁公亦往爲妾逃遁不見三思搜之在於壁隙中語曰我乃花月之妖天遣我奉君談笑梁公時之正人我不可以見蓋端人正士精爽清明鬼神魘魅自不敢近所謂德重而神欽鬼神之所以近人者皆由人之精爽自不足爾咸通十三年四月大原晉陽民間有嬰兒兩頭異頸四耳聯足此天下不一之妖也



國家圖書館, NATIONAL CENTRAL LIBRARY, TAIWAN, R.O.C.



集
卷
一

寶顏堂訂正集異志卷之二

唐比部郎中陸 勳集

明 華亭 陳繼儒 校

橋李 高承埏 校

天寶五載楊慎矜爲御史中丞慎矜至洛陽正
食忽見一鬼物長丈餘朱衣冠幘立於其後慎
矜叱之良久不滅以熱羹殺之方滅未幾因罪
下獄死

周赧王二十九年宋有雀生鷓於城之陬史占之曰小而生大必霸天下宋康王喜起兵滅滕伐薛東敗齊南敗楚西敗魏與齊魏爲敵欲覆之亟成射天笞地斬社稷而焚滅之又爲長夜之飲天下之人謂之桀宋齊湣王起兵伐之民散城不守宋王奔魏死於溫

漢景帝三年十一月有白頸烏與黑烏羣鬪楚國呂縣白頸不勝墮泗水中死者數千時楚王

戊暴逆無道與吳王謀反烏羣鬪者師戰之象白頸者小明小者敗也墮於水將死水地其後王戊反兵敗走爲人所殺

漢景帝元鳳元年有烏與鵲鬪燕王宮池上烏墮地死時燕王且謀爲亂未幾伏辜

漢成帝河平元年二月庚子泰山山桑谷有鸞焚其巢虜子孫通等聞山中羣鳥鸞鵲聲往視見巢燃盡墜地中有三鸞穀樹大四圍巢去地

五丈五尺太守以聞鶯貪虐之類也易曰鳥焚其巢旅人先笑後號咷泰山岱宗五岳之長王者易姓告代之處也其後趙飛燕得幸立爲皇后姊妹尊寵後宮有子者殺之并害其母帝崩后坐誅此焚巢殺子號咷之應也一曰王莽貪虐而任社稷之重卒爲易姓之禍云

漢靈帝中平三年八月中懷陵有萬餘爵先極悲鳴已因亂鬪相殺皆斷頭懸著樹枝枳棘到

六月靈帝崩大將軍何進以內寵外嬖積惡日久欲悉糾黜以隆更始初政而太后持疑事久不決進從中出省內見殺

魏明帝景初元年凌霄閣始構有鵲巢其上鵲體白黑雜色帝以問高唐隆對曰詩云惟鵲有巢惟鳩居之今興起宮室而鵲來巢此宮室未成身不得居之象也於是帝改容動色

晉孝懷帝永嘉元年二月洛陽東北步廣里地

陷有蒼白二鴛出蒼者飛翔冲天白者止焉陳留董養曰步廣周之秋泉盟會地也白者金色晉也蒼爲胡象是後劉元海石勒相繼亂華晉安帝永熙三年龍驤將軍朱猗戍壽陽婢炊飯忽有羣鳥集竈競來啄噉婢驅逐不去有獵狗咋殺兩鳥餘鳥因共啄殺狗又噉其肉惟餘骨存明年六月猗死此其應也

晉安王子勛潛號之日雷雨晦合行禮忘稱萬歲其夕有鳩棲於輦中鴉集其幃又有秃鷲集城上後以安陸王子綏爲司徒又有鴟棲其帳上尋敗皆伏誅

陳後主時蔣山有衆鳥鼓翼而鳴曰奈何帝京房易飛侯曰鳥鳴門闕如人音邑且亡蔣山吳之望也鳥於上鳴吳邑空虛之象及陳亡建康爲墟又陳未亡時有一足鳥集於殿庭以背畫地成文曰獨足上高臺盛草變成灰獨足者叔

寶獨行衆無之應也盛草成灰陳政蕪穢被隋
火德所焚除也叔寶至長安館於都水臺上高
臺之意也

咸通中吳越有異鳥極大四身三足鳴山林其
聲曰羅平占曰國有兵人相食此後荒亂相繼
晉懷帝永嘉四年五月大蝗自幽并晉冀至于
秦雍草木牛馬毛鬣皆盡是時天下兵起漁獵
生民國家惟任司馬越荀勗三人競爲暴刻經
略無法故有此異

貞觀二年六月京畿旱蝗太宗在苑中撥蝗視
之曰人以穀爲命百姓有過在予一人但當食
我無害百姓將吞之侍臣懼帝致疾遽以爲諫
帝曰所冀移災朕躬何疾之避遂吞之是歲蝗
不爲災

高宗嘗患頭風召名醫於四方終不能療宮人
有自陳世業醫術請修藥餌者帝許之初穿地

置藥爐忽有二蝦蟆躍出色如黃金背有朱書
武字宮人不敢匿奏之帝頗驚異遽命放於苑
地宮人別穿地得蝦蟆如初帝深以爲不祥命
殺之其夕宮人暴卒後武后竟革命

後漢靈帝光和元年南宮侍中寺雌雞化雄一
身毛皆似雄但頭冠尚未變詔以問議郎蔡邕
邕對曰臣切推之願乞首人君之象今雞一身
已變未至於頭而是其事不遂成之象

也若應之不精政無所改頭冠或成爲患滋大
是後張角作亂稱黃巾破壞四方

隋文帝開皇中有人上書言頻歲以來鷄鳴不
鼓翅類掖下有物而妨之翻不得舉肘腋之臣
當爲變矣書奏不之省其後大臣多被夷滅諸
王廢黜太子幽廢

後魏孝文太和元年五月京師有雌雞二頭上
生冠如角時文明太后臨朝信用羣小之應

玄宗好鬪雞貴臣外戚皆尚之貧者或弄木雞
識者以爲雞酉屬帝生之歲鬪者兵象

夏后氏之褒有二龍止於夏庭而言曰余褒之
二君也夏帝卜殺之去之止之莫吉卜請其禲
而藏之乃言於是布幣策告之龍亡而禲在乃
匱藏之其後夏亡傳匱於殷周三代莫發至厲
王發而觀之雉流于庭不可除也厲王使婦人
羸而諫之蔡之也
也入後宮妾遇之而孕生

子懼而棄之宣王立童謡曰屨弧

也

箕服

爲箭袋也

寔亡周國後有夫婦鬻是器者宣王使執

而戮之旣去見處妾所棄妖子聞其夜號哀而
收之遂亡奔褒後褒人有罪入妖子以贖是爲
褒似幽王見而愛之生子伯服王廢申后及太
子宜臼而立褒姒伯服代之廢后之父申侯與
鄆國西夷犬戎共攻殺幽王劉向以爲夏后季
世周之幽厲皆悖亂逆天故有龍龜之怪

曾莊公時有內蛇與外蛇鬪鄭南門中內蛇死
先是鄭厲公劫相祭仲逐兄昭公代立後厲公
出奔昭公復入死子儀代立厲公自外劫大夫
傅瑕使戮子儀此外蛇殺內蛇之象也蛇死六
年而厲公立莊公問申繻曰猶有妖乎對曰人
之所忌其氣燄以取之妖由人興也人亡釁焉
妖不自作人棄常故有妖

晉昭公十九年龍聞於鄭時門之外濟淵鄭以

小國攝乎晉楚之間重以強吳時子產任政內
惠於民外善辭令以交三國鄭卒無患能以德
消變之效也

漢惠帝二年五月癸酉旦有兩龍見於蘭陵廷
東里溫陵井中至乙亥夜去劉向以爲龍貴象
而困於庶人井中象諸侯將有幽執之禍其後
呂太后幽殺趙王諸呂亦終殺滅

漢靈帝熹平元年四月甲午青蛇見御座上是

時靈帝專任宦者王室微弱

晉愍帝建興二年十一月抱罕羌妓產一龍子色似錦文常就母乳遙見神光少得就視未久帝竟淪沒

晉武帝咸寧中司徒府有二蛇長十許丈居廳事平撩上而人不知但府中怪數年數失小兒及諸犬之屬後有一蛇夜出被刃傷不能去乃覺之發徒攻擊移時乃死漢靈帝時蛇見御座

楊賜以爲帝溺於酒色之應

晉武帝太康五年正月癸卯二龍見武庫井中帝觀之有喜色百僚將賀劉毅獨表曰昔龍祭夏庭禍發周室龍見鄭門子產不賀帝荅曰朕德政未修未有以應受嘉祥遂不賀也

晉惠帝元康五年三月癸巳臨淄有大蛇長十餘丈負二小蛇入城北門徑從市入漢城陽景王祠中不見時齊王冏雖建興復之功而驕陵

集異志卷二
取禍此其徵也

晉明帝太寧初武昌有大蛇常居故神祠空樹中每出頭從人求食尋有王敦之逆

梁武帝大同十年夏有龍夜因雷而墮延陵人家井中明日視之大如驢將以戟殺之俄見庭中及室中各有大蛇如數百斛船家人奔走後侯景反幽殺簡文於酒庫宗室王侯皆幽死梁元帝時有二龍自南郡城西升天百姓聚觀

五彩分明江陵故老竊相泣曰昔年龍出建康秦淮而天下大亂今復有焉禍至無日矣帝聞而惡之踰年遭禍韓族殲焉此青祥也

晉惠帝元康中洛陽南山有壘作聲曰韓尸尸識者曰韓氏將尸也言尸尸者盡死也其後韓謚誅而爲周時岐山崩三川竭而幽王亡岐山者周所興也漢家本起於蜀漢今所起之地山崩川竭星孛又及攝提大角從參至辰殆必亡

矣其後三世亡嗣王莽篡位

吳孫權赤烏十三年八月丹陽句容及故鄣寧國諸山崩洪水溢劉歆以爲國主山川山崩川竭亡之徵也吳雖稱帝其實列國災發月陽

意見之後二年而權薨又二十六年而吳亡

晉惠帝元康四年蜀郡山崩殺人五月壬子壽春山崩洪水出城壞地陷方三十丈殺八月壽春大雷山崩地陷人家陷死上庸郡亦如之

月居庸地裂廣三十六丈長八十四丈水出六
饑上庸四處山崩地墜廣三十丈長一百三十
丈水出殺人皆賈后亂朝之應也

武后垂拱二年九月己巳雍州新豐縣雲臺鄉
大風雨震電有山湧出高二十丈有池周三百
畝池中有龍鳳之形禾麥之異武后以爲休應
名曰慶山荊州人俞文俊上言天氣不和而寒
暑隔人氣不和而贅龐生地氣不和而堆阜出

今陛下以女主居陽位變易剛柔故地氣隔塞山變爲災陛下以爲慶山臣以爲非慶也宜側身修德以答天譴不然恐災禍生后怒流于嶺南永摺華州出水南岸大山晝日昏風有聲隱隱如雷頃之漸移東數百步壅赤水壓漲村民三十餘家高二百餘丈水深三十丈坡上草木宛然金滕曰山徙者人君不用道祿去公室賞罰不由君佞人執政政在女主不出五年有走

王其後武后廢睿宗而篡唐

玄宗開元十七年四月乙亥大風震電藍田山摧裂百餘步畿內山也占曰人君德消政易則然天寶十一載六月號州閔鄉黃河中女媧墓因大雨晦冥失所在至乾元二年六月乙未頗河人聞有風雷曉見其墓湧出下有巨石上有雙柳各長丈餘時號風陵堆占曰塚墓自移天下破

魯襄公二十三年穀洛水鬪將毀王宮以傳其
之以四瀆比諸侯穀洛其次卿大夫之象也爲
卿大夫將分爭以危亂王室也後數年有如日
者五是歲隕霜靈王崩景王立二年儋括欲殺
王而立王弟佞夫佞夫不知景王并誅佞夫及
景王死五大夫爭權或立子猛或立子朝王室
大亂

秦武王三年渭水赤者三日昭王三十四年渭

水又赤三日秦有連坐之法棄死於道者黥網
密而刑虐加以征伐橫出殘滅隣國至於變亂
五行氣色謬亂

漢桓帝延熹八年四月濟陰東郡濟北河水清
靈帝建寧四年三月河水清兼句郭璞曰大河
之質黃濁數千里而不可澄清者也凡物反常
爲妖濁而忽清猶地而出堆阜山而沸泉湧非
所當有變異之象也故裴楷言自古未有河清

者後世乃以爲大慶君臣動色載于年號著於
邑名形於歌詠紀于史牒不亦異乎至若大海
朝宗衆流自非並岸風水激薄沙泥渾汚之處
則萬里停滯未嘗濁也而佞人諂媚又有以海
清爲賀者不亦異之甚乎

晉武帝太康五年四月魯國池水變赤如血七
年十月河陰雨赤雪二尺是後四載帝崩王室

遂亂

晉穆帝昇平三年二月涼州城東池中有火四
年四月姑藏澤水中又有火明年張天錫殺中
護軍張邕邕執政之人也

陳宣帝大建十四年七月江水赤如血自建康
西至荊州禎明中江水赤白方州東至海占曰
法嚴刑酷傷水性地行變節陰陽相干氣色謬
亂敗亡之象京房曰水化爲血兵且起其後爲

集異志卷二
隋所滅

隋高祖武德七年河間王孝恭征輔公祐宴羣
師于舟中孝恭以金盃酌江水將飲之則化爲
血孝恭曰盃中之血公祐授首之兆

武后時來俊臣井水變赤如血井中常有吁嗟
之聲俊臣酷吏也

神龍二年二月壬子洛陽城東七里地色如水
樹木車馬歷歷見影漸移至都月餘乃滅長安

街中往往見水影昔符堅之將死也長安嘗有
是異

大曆末深州東鹿縣中有水影長七八尺遙望
見人馬往來如在水中及至前不見水

咸通八年七月泗州下邳雨湯殺烏雀水沸于
火則可以傷物也雨者自上而降烏雀民象

漢高后三年夏漢中郡大水水出流四千餘家

四年秋河南大水伊洛流千六百餘家汝水流

八百餘家八年夏漢中南郡水復出流六千餘家南陽沔水流萬餘家是時女主獨治諸呂相王

漢文帝十有二年十一月河決東郡後三年秋大雨晝夜不絕三十五日藍田山水出流九百餘家滄壞民室八千餘所殺三百人餘時新垣平得幸立渭陽五帝廟郊見上帝後歲餘謀爲逆夷戮又匈奴數犯北邊殺掠甚衆漢連歲征討

漢煬帝延平元年五月羣國三十七大水傷民董仲舒曰水者陰氣盛也是時帝在襁褓鄧太后專政

漢安帝永初元年冬十月辛酉河南新城山水暴至突壞民田壞處泉水出深三丈是時司空周章等以鄧太后不立皇子勝而立清河騰子謀欲廢置十一月事覺司空被誅髡四十一郡國水出漂沒人民占曰水者太陰之精也陰氣

集異志卷二
盛洋溢者小人專制擅權之意

晉武帝咸寧二年七月癸亥河南魏郡暴水殺百餘人閏月荊州郡國五大水流四千餘家是年採擇良家子女露面入殿帝親簡閱務在姿色不訪德行有蔽匿者以不敬論縉紳愁怨天下非之陰盛之應也

太康二年六月泰山江夏大水泰山流三百家殺六千餘人江夏亦殺人時平吳後王濬爲元

功而詆劾妾加荀賈爲無謀而並蒙重賞收吳姬五千納之後宮此其應也

晉惠帝元康六年五月荆揚二州大水是時賈后亂朝寵樹賈郭女主專政陰氣盛之應也八年五月金墉城井溢漢志成帝時有此妖後王莽僭逆今有此妖趙王倫篡位倫廢帝於此城井溢所在其天意也九月荆陽徐冀豫五州大水是時賈后暴戾滋盛韓謐驕猜彌扇卒害太

子旋以禍滅

晉安帝元興二年十二月桓玄篡位其明年二月庚寅夜濤水入石頭商旅方舟萬計漂敗流斷骸骨相望江左雖頻有濤變未有若斯之甚三月義軍克京都玄敗走遂夷滅之

開元八年夏契丹寇營州發關中卒援之宿澗池之闕門營穀水上夜半山水暴至萬餘人皆溺死六月庚寅夜汶洛溢入西上陽宮宮人死

者十有七八畿內諸縣田稼廬舍蕩盡掌衛兵溺死千餘人京師興道坊一夕陷爲池居民五百餘家皆沒不見是年鄧州三鴉口大水塞谷或見二小兒以水相沃須臾有虵大十圍張口仰天人或斬射之俄而暴雨漂溺數百家晉元帝大興四年廬江濤縣何旭家忽聞地中有犬子聲掘之得一母犬青黎色狀甚羸瘦走入草中不知所在視其處有二犬子一雌一雄

哺而養之雌死雄活及長爲犬善噬野獸其後
旭里中爲蠻賊所害

晉懷帝永嘉元年洛陽地陷有蒼白二鵝出蒼
者飛翔冲天白者止焉時言白者金色晉以金
旺國之行也蒼爲胡人之象其可盡言乎白者
止而蒼者冲天晉衰而胡人強盛之徵其後劉
淵石勒相繼亂華晉室東渡

晉成帝咸寧初地生毛孫盛以爲人勞之應也
晉安帝元興三年五月陵江地生毛未幾陵江
有兵禍

荆齊高帝建元元年荆州人并湖出綿人用與
常綿不異齊二十餘年而亡此短祚之徵

北齊武成河清元年九月滄州及長城下地多
生毛或白或黑長四五寸時北築長城人苦勞
役

武后垂拱元年九月淮南地生毛或白或蒼長

者天餘徧生牀下揚州尤甚大如馬鬣焚之臭
如燎毛占曰兵起民不安三年魏州地出鐵如
船數十丈武威郡石化爲麩貧乏者取以給食
此武后僭亂不久滅亡之徵

寶顏堂訂正集異志卷之二



國家圖書館, NATIONAL CENTRAL LIBRARY, TAIWAN, R.O.C.

寶顏堂訂正集異志卷之三

唐比部郎中陸勳集

明 華亭 陳繼儒 校

樵李 高承埏

晉獻公時童謠曰丙之晨龍尾伏辰衲服振振
衲音均戎衣也取號之旂鶉之資賁天策焯焯火中成
軍號公其犇是時號為小國介夏陽之隄怙虞
國之助抗衡于晉有抗陽之節失臣下之心晉

獻公伐之問於卜偃曰吾其濟乎

師古曰卜偃晉大夫主卜

者偃以童謡對曰克之于月朔丙子旦日在尾月
在策鶉火中必此時也冬十二月丙子朔晉師滅虢虢公醜奔周

文成之世童謡曰鸛之鶴之公出辱之鸛鶴之羽公在外野往饋之焉鸛鶴跣跣公在乾戾微秦與襦鸛鶴之巢遠哉搖搖禍父喪勞宋父以鸛鶴鸛鶴往歌來哭至昭公時有鸛鶴來巢

公攻季氏敗出奔齊居外野次乾戾八年死於外歸葬魯昭公名稠公子來立是爲定公

漢成帝時童謡曰燕燕尾涎涎張公子時相見木門倉琅根燕飛來啄皇孫皇孫死燕啄矢其後帝爲微行出遊常與富平侯張放俱稱富平侯過河陽公主作樂見舞者趙飛燕而幸之故曰燕尾涎涎美好貌也張公子謂富平侯也木門倉琅根謂宮門銅環銅色青故曰倉琅言將

尊貴也後遂立爲皇后與弟昭儀賊害後宮皇子卒伏辜所謂燕巢來啄皇孫皇孫死燕啄矢者也

漢成帝時歌謠又曰邪徑敗良田讒口亂善人桂樹華不實黃雀巢其顛古爲人所羨今爲人所憐桂赤色漢家象華不實無繼嗣也王莽自謂黃象黃雀巢其顛也

漢武帝太初二年六月賦貢雙頭雞四足一尾

鳴則俱鳴武帝置甘泉故館更以餘雞配之種類而不能鳴諫者云牝雞無晨惟家之索人乃反顧長安哀鳴故有謠言曰三七末世雞不鳴犬不吠宮中荆棘亂相繼當有九虎爭爲帝至王莽之篡將軍有九虎之號

後漢更始時南陽有童謠曰諧不諧在六眉得不得在河北是時更始在長安漢光武爲大司馬平定河北後更始爲赤眉所殺世祖自河北

興

漢光武建武六年蜀有童謠曰黃牛白腹五銖當復是時公孫述僭號於蜀時人竊言王莽稱黃述欲繼之故稱曰五銖漢時錢名明當復也述遂敗滅述一作述

漢順帝之末京都童謠曰直如弦死道邊曲如鉤反封侯按順帝卽世孝質短祚大將軍梁冀貪立幼主久專國柄大尉李固以清河王年長

有德欲立之冀白太后策免固而立桓帝固是月幽死于獄暴尸道路而胡廣趙戒袁湯俱封侯

漢桓帝初天下童謠曰小麥青青大麥枯誰當穫者婦與姑丈夫何在西擊胡吏買馬君具車請爲諸君鼓龍胡按元嘉中涼州諸羌俱反大爲民害命將出師每戰常敗中國益發甲卒麥多委棄但有婦女收穫吏買馬君具車言調發

重且及有官者也請為諸君鼓龍胡者不敢公
言私相咽語

漢桓帝之初京都童謠曰城上烏尾畢逋公為
吏子為徒一徒死百乘車車班班入河間河間
姪女工數錢以錢為室金為堂石上慊慊春黃
梁梁下有懸鼓我欲擊之丞相怒按此皆為貪
政也城上烏尾畢逋者處高利獨食不與下共
謂人主多聚斂也公為吏子為徒者言蠻夷將

叛逆父既為軍吏其子又為卒徒往擊之也一
徒死百乘車者言前一人討胡既死矣後又遣
百乘車往班班入河間者言上將崩乘輿班班
入河間迎靈帝也河間姪女工數錢以錢為室
金為堂靈帝既立其母永樂太后好聚金以為
堂也石上慊慊春黃梁者言永樂雖積金錢慊
慊然常苦不足使人春黃梁而食之梁下有懸
鼓我欲擊之丞相怒言永樂教靈帝使費官受

錢所祿非其人天下忠義之士怨望欲擊懸鼓以求見丞相立鼓者亦復諂順怒而止我也

漢桓帝之初京都童謠曰游平賣印自有平不避豪家及大姓按延熹之末鄧皇后以譴自殺乃以竇貴人代之其父名武字游平拜城門校尉及太后攝政為大將軍與太傅陳蕃合心戮力惟德是建印綬所加咸得其人豪貴大姓皆絕望矣

漢桓帝之末京都童謠曰茅田一項中有井四方纖纖不可整嚼復嚼今年尚可後年饒音澆按易曰拔茅茹以其彙征吉茅喻羣賢也井者法也時中常侍管霸等專作威福禁錮黨人茅田一項者言羣賢衆多也中有井者言雖阨窮不失法度也四方纖纖不可整者言慝奸大熾不可整理嚼復嚼者京都飲酒相強之詞言肉食者鄙不恤王政徒耽宴飲歌呼而已也今年尚



可言但禁錮後年鏡者陳竇被誅天下大壞

漢靈帝之末京都童謠曰侯非侯王非王千乘

萬騎上北印按中平六年史侯皇

子辯養於道人史即家故

號史侯

登躡至尊未有爵號爲中常侍段珪等數

千人所執公卿百官皆隨其後到河上乃得來

還此爲非侯非王上北印者也

吳孫亮初童謠曰吁汝恪何若若蘆葦單衣篋

鉤絡於何相求常子閣子閣者反語石子岡也

鉤絡鉤帶也及諸葛恪死果以葦席裹身篋束其腰投之石子岡後聽恪故吏收歛求之北岡

云

吳孫休永安二年將守質子羣聚嬉戲有異小

兒忽來言曰三公鋤司馬如又曰我非人熒惑

星也言畢上昇仰視若曳一足練有頃沒于寶

曰後四年而蜀亡六年而魏廢二十一年而吳

平於是九服歸晉魏與吳蜀並戰國三公鋤司

馬如之謂也

吳孫皓天紀中童謠曰阿童復阿童銜刀游渡江不畏岸上獸但畏水中龍武帝聞之加王濬龍驤將軍及征吳江西衆軍無過者而王濬先定秣陵

晉武帝太康三年平吳後江南童謠曰局縮肉數橫目中國當敗吳當復又曰宮門柱且莫朽吳當復在三十年後又曰雞鳴兩翼吳復不用

方于時吳人皆謂在孫氏子孫故切發爲亂者相繼按橫目者四字自吳亡至元帝興幾四十年元帝興於江東皆如童謠之言焉元帝懦而少斷局縮肉者有所斥也

晉惠帝元康中洛中童謠曰南風起吹白沙遙望魯國何嗟峨十歲髑髏生齒牙又曰城東馬子莫龍啣比至來年纏汝髮南風賈后字也白晉行也沙門太子小名也曾賈謚國也言賈后

將與謐爲亂以危太子而趙王因釁阻嚼豪賢
以成篡奪不得其死之應也

晉惠帝元康中天下商農著大部目時童謠曰
屠蘇部目覆兩耳當見瞎兒作天子及趙王倫
篡位其實目眇焉趙王倫旣篡洛中童謠曰獸
從北來鼻頭汗龍從南來登城看水從西來河
灌灌數月而齊王成都河間義兵同會殺倫案
成都西藩而杜鄴故曰獸從北來齊東藩而杜

許故曰龍從南來河間水源而在關中故曰水
從西來齊留輔政居于宮西又有無君之心故
言登城看也

晉太安中童謠曰五馬游渡江一馬化爲龍後
中原大亂宗藩多死惟琅邪汝南西陽南頓彭
城同至江東而元帝嗣統矣

晉安帝隆安年間百姓忽作懊懣之歌其曲曰
草生可攬結女兒可攬擷尋而桓玄篡位義旗

以三月二日平定京都誅之玄之宮女及逆黨之家子女妓妾悉爲軍賞東及甌越北流淮泗人皆有獲故言其時則禪結言其事則女可擷也桓玄旣篡童謠云草生及馬腹鳥啄桓玄目及玄敗走至江陵時正五月中被誅正如其期焉

晉明帝太寧初童謠曰側側力力放馬山側大馬死小馬餓高山崩石自破及明帝崩成帝幼爲蘇峻所逼遷于石頭御膳不足此大馬死小馬餓也高山峻也又言峻尋死石峻弟蘇石也峻死後石據石頭尋爲諸公所破是崩山石破之應也

晉東海王越高密王泰之次子也迎惠帝還都洛陽爲太傅錄尚書時洛中有童謠曰洛中大鼠長尺二若不早去大狗至及苟晞將破汲桑又謠曰元超兄弟大落度上桑打樵爲狗作由

是越惡晞奪其兗州隙難遂構焉

晉哀帝隆和初童謡曰升平不滿斗隆和那得久桓公入石頭陛下徒出走朝廷聞而惡之改年曰興寧人復歌曰雖復改興寧亦復無聊生哀帝尋崩升平五年而穆帝崩不滿斗升平不至十年也

晉時符生初夢大魚食蒲又長安謡曰東海大魚化爲龍男便爲王女爲公問在何所洛門東

東海符堅封也時爲龍驤將軍弟在洛門之東符生不知是應符堅以謡之故誅其侍中太師錄尚書事魚遵及七子十孫時又謡曰百里塲空城鬱鬱何青青瞎眼不知法仰不見天星於是悉壞諸空城以攘之

符堅初童謡曰阿堅牽連三十年後若欲敗時當在江河邊及堅在位三十年敗於淝水是其應也又謡語云河水清復清符堅死新城及堅

爲姚萇所殺於新城復謠歌云魚羊田斗當滅
秦識者以爲魚羊鮮也田斗卑也堅自號秦言
滅之者鮮卑也其羣臣諫堅令盡戮鮮卑不從
及淮南敗還初爲慕容冲所攻卒爲姚萇所殺
苻堅滅燕慕容冲姊爲清河公主年十四而有
殊色堅納之寵冠後宮冲年十二亦有龍陽之
姿堅又幸之姊弟專寵宮人莫進長安歌之曰
一雌復一雄雙飛入紫宮咸俱爲亂堅乃出冲

長安又謠曰鳳凰凰止阿房堅以鳳凰非梧桐
不棲非竹實不食乃植桐竹數十萬株于阿房
城以待之冲小字鳳凰後終爲堅敗入止阿房
城焉

梁武帝天監三年六月八日武帝講佛經於重
雲殿沙門誌公忽然歌儻樂須臾悲泣因賦五
言詩樂哉三十餘悲哉五十裏但看八十三子
地妖災起佞臣作欺妄賊臣滅君子若不信吾

語龍時侯賊起且至馬中間啣悲不見喜梁自
天監至於大同三十餘年江表無事至太清二
年臺城陷帝享國四十八年所言五十裏也太
清元年八月十三日而侯景自懸瓠來降在丹
陽之北地帝惑朱异之言以納景景之作亂始
自戊辰之歲至午年帝憂崩

隋煬帝大業中童謠曰桃李鴻鵠遶陽山宛轉
花林裏莫浪語誰道許其後李密坐楊玄感之

逆爲吏所拘在路逃叛潛結羣黨自陽城山而
來襲破洛口倉後復屯兵苑內莫浪語密也宇
文化及自號許國尋亦誅滅誰道許者蓋驚疑
之詞也

玄宗時童謠曰燕燕飛上天上天女兒鋪白氈
氈上有千錢時幽州又有謠曰舊來誇載竿今
日不堪看但看五月裏清水河邊見契丹其後
祿山反

漢成帝建始三年十月丁未京師相驚言大水

至渭水虎上音斯小地名也陳持弓小女名也年九歲走入

橫城門入未央宮尚方掖門殿門門內諸衛護

者莫見至句盾禁中而覺得句音鈎句盾少府之官舍也民

以水相驚者陰氣盛也小女而入宮殿中者下

人將因女寵而居有宮室之象也名曰持弓有

似周家歷弧之義是時帝母王太后弟鳳始為

上將秉國政天知其後將滅天下而入宮室故

象先見也

漢哀帝建平四年正月民驚走持藁或藁天批得批

幹麻一救傳相付與曰行詔籌道中相過逢多至

千數或被髮徒跣或夜折關或踰墻入或乘車

騎奔馳以至驛傳行經歷郡國三十六至京師

其夏京師郡國民聚會里巷阡陌張博具博

之歌舞祠西王母又傳書曰母告百姓佩此書

者不死不信我言視門樞下當有白髮樞門是白也



時帝祖母傳太后驕與政事故杜鄴對曰春秋
災異以指象爲言語籌所以紀數民陰水類也
水以東流爲順走而西行反類逆上象數度放
濫妄以相予違忤民心之應也西王母婦人之
稱博奕男子之事於街巷阡陌明離闌內闌門
檻也
與疆外臨事盤樂炕陽之意白髮衰年之象體
尊性弱難理易亂門人之所由樞其要也居人
之所由制持其要也其明甚著今外家丁傳並

侍帷幄布於列位有罪惡者不坐辜罰亡功
者畢受官爵此指象昭昭以覺聖朝柰何不
後哀帝崩成帝母王太后臨朝王莽爲大司馬
滅丁傳一曰丁傳所亂者小此實乃王太后
之應也

王莽始建國元年長安狂女子碧呼道中

碧女
子名

也曰高皇帝大怒趣歸我國不者九月必殺汝

莽收捕殺之

漢靈帝熹平二年六月雒陽民訛言虎賁寺東
壁中有黃人形容髡眉良是觀者數萬省中悉
出道路斷絕到

中平元年二月張角兄弟起兵冀州自號黃巾
三十六萬四面出師將帥星布吏士外屬因其
瘦餒幸而勝之

晉惠帝永寧初齊王冏唱義兵誅亂逆乘輿反
正忽有婦人詣大司馬門求音產門者詰之婦
曰我截臍便去耳其後冏果斬戮

晉大安元年四月癸酉有人自雲龍門入殿前
北面再拜曰我當作中書監卽收斬之于寶以
爲禁庭尊秘之處今賤人徑入而門殿不覺者
宮室將虛而下人踰之妖也是後北帝遷鄴又遷
長安宮闕遂空焉

晉元帝永昌二年大將軍王敦下據姑熟百姓
訛言蟲病食人大孔數日入腹則死療之有方

當得白犬膽以爲藥自淮泗遂及京都數日之間百姓驚擾人人皆自云已得蟲病又云始在外時當燒鐵以灼之於是翕然被燒灼者十七八矣而白犬暴貴至相侵奪其價十倍或有自云能行燒鐵灼者貨灼百姓日得五六萬億而後已四五日漸靜說曰夫裸蟲人類而人爲之主今云蟲食人言本同臭類而相殘賊也自下而上明其逆也必入腹者言害由中出不由外

也犬有守衛之性白者金色而膽用武之主也中興之際大將軍本以腹心受伊呂之任而元帝末年遂改京邑明年諒闇又有異謀是以下逆上腹心內爛也及錢鳳沈充等逆兵四合而爲王師所挫踰月而不能濟水北中郎劉遐及淮陵內史蘇峻率淮泗之衆以救朝廷故其謠言首作於淮泗也朝廷卒以弱制強罪人授首是用白犬膽可救之效也

晉太元中小兒以兩鐵相打於土中名曰聞族
後王國寶王孝伯一姓之中自相攻擊也
桓玄初改年爲大亨遐邇謹言曰二月了故義
謀以仲春發也玄篡位又改年爲建始以與趙
王倫同又易永始永始復是王莽受封之年也
符堅時有人於光明殿大呼曰甲申乙酉魚羊
食人嗟哉無復遺堅命執之俄而不見秘書監
朱彤等因請戮鮮卑堅不從也

齊武帝時文惠太子立樓觀於鍾山下號曰東
田太子屢游幸之東田反語爲顛童也武帝又
於青溪立宮號曰舊宮反之窮廡也至鬱林王
果以輕狡而至於窮又武帝子史姓皇名太子
武帝曰皇太子非名之謂於是移黠於外易名
犬子處士何黯曰太子者天地之所懸三才之
所係今化而爲犬不得立矣旣而文惠太子薨
鬱林海陵相繼廢黠此其驗也

貞觀十七年七月民訛言官遣張根殺人以祭
犬獮云其來也身衣狗皮鐵爪每於闇中取人
心時而去於是更相震怖每夜驚擾皆引弓劍
自防無兵器者削竹爲之郊外不敢獨行太宗
惡之令通夜開諸坊門宣旨慰諭月餘乃止
晉元帝永昌元年甘卓將襲王敦還家多變怪
鏡不見其頭此金失其性而爲妖也尋爲敦
所滅

陳後主禎明二年五月東冶鐵鑄有物赤色大
如斗自天墜鎔所隆隆有聲鐵飛破屋而四散
燒人家東冶者陳人鑄兵之所鐵飛爲變金不
從革之應天戒若曰陳國小兵弱其後遂亡
隋堯君素守蒲州兵器夜有光如火鏐金
所畏也敗亡之象

元和中翰林院有鈴夜中文書入則引之以代
傳呼長寧中河北用兵鈴輒自鳴與軍中息耗

相應聲急則軍事急聲緩則軍事緩

漢昭帝時昌邑王賀聞人聲曰熊視而見熊大左

右莫見以問郎中龔遂遂曰熊野獸而來入宮

室王獨見之此天戒大王恐宮室將空危亡象

也賀不改悟後卒失國

晉武帝太康六年南陽獻兩足猛獸此毛蟲之

孽也識者為其文曰武形有虧金獸失儀聖主

應天斯異何為言兆亂也京房易傳曰足少者

下不勝任也干寶以為獸者陰精居于陽金獸

也南陽火名也金精入火而失其形王室亂之

妖也六水數言水數既極火患得作

王莽地皇元年七月杜陵便殿乘輿虎文衣廢

藏在室匣中出自樹立外堂上良久乃垂地吏

卒見者以聞莽惡之

漢桓帝元嘉中京都婦女作愁眉啼妝墮馬髻

折腰步齟齬笑所謂愁眉者細而曲折啼妝者



薄拭目下若啼處墮馬髻者作一邊

梁異別傳曰異婦女

又有不

折腰步者足不在體下齟齬笑者若齒

痛樂不欣欣始自大將軍梁冀家所為京師翕

然諸夏皆放此服妖也梁冀一世上將婚媾王

室大作威福將危社稷天戒若曰兵馬將往收

捕婦女憂愁戚眉啼泣吏卒掣頓折其腰脊令

髻傾邪雖強語笑無復氣味也至延熹二年舉

家遭滅

漢桓帝延熹中梁冀戮後京都幘顏短耳長

土長下時中常侍單超左悺徐璜

貝瑗以上接四卷一唐德在帝左右

以下接四卷第二章晉太元中公主婦女

至於貧家不能自辨自號無頭

就人借頭遂布天下無幾時孝晏駕而天下騷

動刑戮無數多喪其元至於大殮皆刻木及蠟

或縛菰艸為頭是假頭之應也

晉孝武太元中帝每聞手巾箱中有鼓吹鞞角

響於是請僧齋會夜見一臂長三丈餘手長數

尺來摹經案帝是歲崩天下大亂

後齊武平時後主於苑內作貧兒村親衣縵縷之服而行乞其間爲笑樂多令人服鳥以相執縛後主果爲周所敗被虜於長安而死妃后窮困至以賣燭爲業又婦人皆剪剔以著假髻而危邪之狀如飛鳥至於南面則善心正西始自宮內爲之被於四遠天戒若曰元首剪落危側當走西也又爲男子者肩背狹細名曰盡勢遊

童戲者好以兩手持繩拂地而腳上跳且唱曰高末末之言蓋高氏運祚之末也

寶顏堂訂正集異志卷之三 終



國家圖書館, NATIONAL CENTRAL LIBRARY, TAIWAN, R.O.C.



寶顏堂訂正集異志卷之四

唐比部郎中陸勳集

明華亭陳繼儒

構李高承埏校

唐衡在帝左右縱其讒慝海內愠曰一將軍死
五將軍出家有數侯子弟列布州郡賓客雜襲
騰翥上短下長與梁冀同占到其八年桓帝因
日食之變乃拜韓寅爲司隸校尉以次戮之京

都正清

漢靈帝好胡服胡帳胡牀胡坐胡飯胡篋胡笛
胡舞京城貴戚皆競爲之此服妖也其後董卓
乃擁胡兵填塞街衢虜掠宮掖發掘園陵

漢靈帝於宮中西園駕四白驢躬自操轡驅馳
周旋以爲大樂於是公卿貴戚轉相放效至乘
輜輶以爲騎從互相侵奪價與馬齊夫陸行者
莫如馬驢乃服重致遠上下山谷野人之所用

耳何有帝王擷子紛始自宮中天下化之其後
賈后廢害太子之應也

晉太元中公主婦女必緩鬢傾髻以爲盛飾用
髮旣多不可恒戴乃先於木及卷上特之名曰假髻或曰
假頭以上接三卷廿一張

漢昭帝時上林苑中大柳樹斷仆地一朝起立
生枝葉有蟲食其葉成文字曰公孫病已立又
昌邑王國社有枯木復生枝葉睦孟以爲水陰
類下民象當有故廢之家公孫氏民間受命爲

天子者昭帝富於春秋霍光秉政以孟爲妖言
殺之後昭帝崩無子徵昌邑王賀嗣位狂亂失
道霍光廢之更立衛太子之孫名病已是爲宣
帝

漢元帝初元四年皇后曾祖父濟南東平陵王

伯

王伯莽之祖也

墓門梓柱卒

卒者猝忽也

生枝葉上出屋

劉向以爲王氏貴盛將代漢家之象也至王莽
篡位

漢哀帝建平三年十月汝南西平遂陽鄉柱仆
地生枝如人形身青黃色面白頭有鬚髮稍長
大凡六寸一分京房易傳曰王德衰下人將起
則有木生爲人狀又零陵有樹僵地圍大六尺
長十丈七尺民斷其本長九尺餘枯三月樹卒
卒音自立故處京房易傳曰棄正作淫厥妖木
自斷屬後哀帝在位不久王莽專政故有此應
後漢靈帝熹平三年右校別作中有兩樗樹皆

高四尺其一株宿夕暴長長丈餘大一團作胡人狀頭目鬚鬚髮備具其後董卓之亂實擁胡兵催汜之時縱橫尤甚遂窺間宮嬪剽虐百姓鮮卑之徒踐籍畿封胡之爲害亦已毒矣

漢獻帝建安十五年正月在洛陽起建始殿伐濯龍樹而血出又掘徙梨根傷亦血出帝惡之遂寢病未幾而崩

晉惠帝元康九年六月庚子有桑生東宮西廡目長尺餘甲辰枯死班固解野木生朝而暴長小人將暴居大臣之位危國亡家之象朝將爲墟也是後孫秀張林用事遂大亂又永康元年四月立皇孫臧爲皇太孫五月甲子就東宮桑又生於西廡明年趙王倫篡位鳩殺臧是月壯武國有桑化爲栢而張華遇害壯武華之封邑也

晉孝懷帝永嘉二年冬項縣桑樹有聲如解材

人謂之桑樹哭是時京師虛弱胡寇交侵東海
王越無衛國之心越死洛京亦尋覆沒桑哭之
應也

晉元帝大興四年王敦在武昌鈴下儀仗生華
如蓮華五六日而萎落此木失其性于寶以爲
狂華生枯木又在鈴閣之間言威儀之富榮華
之盛皆如狂華之發不可久也其後敦果以逆
戮

晉劉曜時西明大內大樹風吹拆經一宿樹忽
變爲人形髮長一尺鬚眉長三寸皆黃白色有
斂手之狀亦有兩脚著裙之形惟無目鼻每夜
有聲十日而生柯條遂成大樹枝葉甚茂
晉明帝大寧元年九月會稽剡縣木生如人面
是後王敦稱兵作逆禍敗無成

晉海西公太和元年涼州楊樹生松天戒若曰
松者不改柯易葉楊者柔脆之木今松生於楊

豈非永久之業將集危亡之地耶是時張天錫稱雄於涼州後降苻堅

齊後主武平五年鄴城東青桐樹有如人狀京房易傳曰王德衰下人將起則有木生爲人狀時後主怠於政事荒耽酒色大發徭役後三歲而亡木不曲直之效

齊後主武平三年鄴宮中有樹大數圍夜半無故自拔齊以永德王無故自拔亡國之應其年

齊亡

漢靈帝中平元年夏陳留郡濟陽陰寃句離狐成臯陽武城郭路邊生阜悉備龍蛇鳥獸之形續漢志曰其狀五色羽毛頭目翅足皆具或作人形操持弓弩牛馬萬物之狀是歲黑山賊張角等十餘輩並起抄掠后兄何進秉權漢遂微弱又董卓兵起焚燒宮闕之應

吳孫皓天璽元年吳郡臨平湖自漢末穢塞是

時一夕忽開除無艸長老相傳此湖塞天下亂此湖開天下平吳尋亡而九服爲一家

晉安帝義熙中宮城上及御道左右皆生蒺藜疾藜有刺不可踐而行生宮墻及馳道天戒若曰人君不聽政雖有宮室馳道若空廢也故生疾藜

隋高祖時上黨有人宅後每夜有人呼聲求之不得去宅一里所但見人參一本枝葉峻茂因

掘去之其根五尺餘具體人狀呼聲遠絕蓋艸妖也視不明之外時晉王陰有奪宗之計高祖不悟聽邪言廢無罪因此而亂也

秦始皇三十六年鄭客從關東來至華陰望見素車白馬從華山上下知其非人道任止而待

之遂至持璧與客曰爲我遺鑄池君

長安西北有鑄池君則池神也因言今年祖龍死

祖始也龍人君不見客奉璧始皇使御史視之卽二十八年過

井秦之分也五謂五車梁謂大梁五車大梁趙
之分也此言秦將竭滅以構成趙也罅者歲之
次名作罅也言歲馭作罅酉之年當有敗軍殺
將之事因謂困敦歲在子之名玄囂亦在子之
次言歲馭於子國當喪亡赤牛奮鞞謂赤奮若
丑之歲名也牛謂牽牛東北維之宿丑之分也
言歲在子丑當滅亡盡無復遺也此其誠悟蒸
蒸欲陛下勤修德化以禳之

漢成帝鴻嘉三年五月乙亥天水冀南山有大
石鳴聲隆隆如雷有頃止聞平襄二百四十里
野鷄皆鳴石長一丈三尺濶厚略相似傍著岸
脅去地二百餘丈民呼曰石鼓凡石鼓鳴主有
兵是歲廣漢鉗徒謀攻牢劫取死囚鄭躬等盜
庫兵劫略吏民後四年尉氏等並起謀反殺陳
留太守時帝起昌陵五年不成此其應也

殺人數萬

五年不成

時起昌陵

魏明帝青龍元年張掖柳谷口水溢涌寶石負
圖狀象龜立于川西有石馬七及鳳麟牛白虎
犧璜玦八卦列宿孛彗之象又有文曰大討曹
此晉之符命而於魏爲妖

晉惠帝大安元年夏梁湖有大石浮三百步登
岸民驚譟相告曰石來于寶曰尋有石水入建
業

晉少帝開運元年七月大雨門內井亭石盆走

水槽有龍首悉飄數十步而龍首斷識者曰石
國姓也石氏其遷乎後果陷虜

後趙石季龍時東海有大石自立傍有血流鄴
西山石間血流出長十餘步廣二尺餘大武殿
畫古賢悉變爲胡旬餘頭悉縮入肩中季龍大
惡之

至德二年昭陵石馬汗出昔周武帝克晉州齊
有石象汗流濕地此其類也

漢武帝征和二年春涿郡鐵官鑄鐵鐵銷皆飛去此火爲變使之然也其三月涿郡太守劉屈氂爲丞相後坐祝詛腰斬

漢成帝河平二年正月沛郡鐵官鑄鐵鐵不下隆隆如雷聲又如鼓音工十三人驚走音止還視地地陷數尺鑪分爲十一鑪中銷鐵散如流星皆上去與征和二年同象其夏帝舅五人封列侯元舅王鳳擅政譖殺丞相王商京兆尹王

章許后坐廢趙飛燕爲后賊害皇子成帝亡國魏明帝青龍中盛修宮室西取長安金狄承露槃槃拆聲聞數十里金狄泣於是因留勒城北金失其性而爲異也

晉惠帝元康三年閏二月殿前六鐘皆出涕五刻止前年賈后殺楊太后於金墉城而賈后爲

不止故鍾出涕猶傷

晉惠帝永興元年成都王伐

有火光如懸燭此輕人命好攻戰金失其性而
爲光變也天戒曰兵猶火也不戢將自焚成都不
不悟終以敗亡

晉懷帝永嘉元年項縣有魏豫川刺史賈逵石
碑生金可採人盜鑿取以賣賣已復生此金不
從革而爲變也五月汲桑作亂羣寇繼起初帝
爲清河王世子時所佩金鈴忽生起如粟者唐
王毋爲不祥毀之及後爲惠帝太子不終于

位卒爲司馬越所殺

漢劉聰末年犬與豕交于相國府門又交于宮
門又交于司隸御史門有豕着進賢冠升聰坐
犬冠武冠帶綬與豕並升俄而鬪死殿上宿衛
莫有見其入者

貞元四年二月京師民家有豕生子兩首四足
首多者上不一也是歲軍州大雨震電有物墮
地如猪手足各兩指執赤班蛇食之頃又雲合

不復見

隋開皇末渭南有人寄宿他舍夜聞二豕對話
其一曰歲將盡阿爺明日殺我供歲何處避之
一答曰可向水北姊家因相隨去天曉主人覓
豕不得疑是宿客得之宿客言狀主人如其所
言得豕其後蜀王秀得罪文帝將殺之平樂公
王救之得全

魯定公時季桓子穿井得土正得蟲若羊

正即今之

羊者地上之物出於土中象定公不用孔
之言而聽季氏暗昧不明之應

晉成帝咸和二年五月司徒王導廐羊生無後
足明年蘇峻破京都導與帝俱幽石頭是其應
也

後魏孝文太和二十三年肆州陽曲縣羊生羔
一頭二身一牡一牝三耳六足是年帝崩六輔
用事

隋文帝開皇十二年六月繁昌楊悅見雲中二物如羝羊黃色大如新生犬鬪而墜悅獲其一數旬失所在羊國姓羔羊子也皇太子勇旣升儲貳晉王陰毀之而被廢黜二羔鬪一羔墜之應也

乾符二年洛陽建春門外因暴雨有物墜地如羝羊不食頃之入地中其跡月餘不滅或以爲雨土也占曰當旱

漢高后八年三月被霸上

被音弗除惡之祭也

還過

見物如蒼狗擗高掖忽而不見卜之趙王如音

爲崇遂病肢傷而崩先是高后鳩殺如意支斷

其母戚夫人手足摧其眼以爲人彘

摧謂敲擊去其精也

彘者豕之別名

魏司馬太傅討公孫淵父子先時淵家有犬着絳幘絳衣又襄城北市生肉有頭目無手足而動搖占者曰有形不成有體無聲其國滅

王莽居攝東郡太守翟義知其將篡漢世謀舉義兵兄宣教授諸生滿堂羣鷺鴈數十在中庭有犬從外入齒之皆驚比殺之皆斷頭狗走出門求不知處宣大惡之後數日莽夷其三族晉元帝太興中吳郡太守張懋聞齊內牀下犬聲求而不得既而地自拆見有二犬于取而養之皆死尋而懋爲沈亮所害

晉安帝隆安初吳郡治下狗常夜吐聚高橋上
下家狗使善卜者卦之謂曰天下將有兵亂爲禍非止一家其年張昌反先略江夏騁爲將帥於是五州殘亂騁一族滅

後周建德六年陽武有獸三狀如水牛一黃一赤一黑赤與黑者鬪久之黃者自傍觸之黑者死黃赤俱入於河近牛禍也黑周所尚色死者滅亡之象後數載隋代周旌旗尚赤戎服以黃武后長安中有獻牛無前膊三足而行者又有

牛膊上生數足蹄甲皆具武太后從姊之子司

農卿宗晉卿家牛生三角皆此武氏滅亡之妖

漢昭帝元鳳元年燕王宮永巷中豕出圉壞都

竈銜其脯六七枚置殿前時燕王旦與長公主

左將軍謀為大逆暴急無道竈者養生之本而

豕敗竈陳脯於庭脯竈不用宮室將廢辱也

燕王不改卒伏其辜

晉成帝咸和六年六月錢塘人家豕產兩子

而皆人面如胡人狀其身猶豕占曰豕生人頭

豕身者危且亂今此豕而產異之甚者也

晉孝武帝太元十三年京都人家豕產子一頭

二身八足是後宰相沉酗不恤朝政近習用事

漸亂國綱至於大壞也

晉宋達為丹陽內史家犬生三子皆無頭後為

揚州刺史曹武所殺

吳諸葛恪征淮南歸將朝犬銜引其衣恪曰犬

NATIONAL CENTRAL LIBRARY, TAIWAN, R.O.C.

集異志卷四
不欲我行乎還坐而頃復起犬又銜衣乃令逐
犬遂升車入被害

新野庾謹母病兄弟三人白日待疾常燃火忽
見帳帶自捲上自舒下如此數遭須臾又聞牀
前聞狗聲却常舉家共視不見狗止見一死人
頭在地其頭猶有血兩眼尚動甚可憎惡其家
人懼因夜不曾持出門乃埋於後園中明平往
視之出在土上兩眼猶動又埋之後早亦復出

乃以塶着頭合理之自此不復出數日其母
亡

謝文靜於後府接賓婦劉氏見狗銜謝頭來久
乃失所在婦具說之謝容無異色是月薨

漢昭帝元鳳元年九月燕有黃鼠銜其尾舞王
宮端門王往視之鼠舞如故王使吏以酒脯飼
鼠舞不休一日一夜死時燕刺王旦謀反將死
之象

李林甫有疾晨起盥飾將入朝命取平日所用書囊忽覺書囊重於平日開視之有二鼠出投於地卽變爲蒼狗雄目張牙仰視林甫林甫取弓射之隱然卽滅林甫惡之不而吠聲甚衆或有夜覘視之云一狗假有三頭皆前向亂吠無幾孫恩亂於吳會焉

晉惠帝元康中吳郡婁縣人家聞地中有犬聲掘之得雌雄各一還置窟中覆以磨石經宿失所在時帝旣衰弱藩王相僭故有犬禍

桓玄將拜楚王已設拜席群官部位玄未及出有狗來便溺其席莫不驚惟玄性猜暴竟無言者逐狗改席而已桓玄無德而叨竊大位故犬便其席示其妄據之甚也八十日玄敗亡

朱建平善相術謂應璩云君年六十三位爲宰相當有厄先此一年當見一白狗而傍人不見也據六十一爲侍中直內省歛見白狗問之衆

人悉無見者於是遊觀田里飲宴自娛過期一
年年六十三果卒

齊後主時犬爲開府儀同雌者有夫人郡國之
號給兵以奉養食以梁肉籍以裊褊天奪其心
爵加於犬天意若曰卿士皆類犬後主不悟遂
以取滅

晉庾翼常令郭璞筮其後璞曰卿後並貴盛有
白龍者凶徵至矣後庾翼之孫庾蘊爲廣州刺

史其妾產犬子不令蘊知狗喙長大蘊入見
眉目分明而異於衆後失所在蘊慨然曰始龍
乎後果悉桓氏所滅

金受其敗也至元康九年始殺太子距此十四
年二十七十四火始終相乘之數也自帝受命至
愍懷之廢凡三十五年

晉武帝太康七年丙辰四角獸見于河間河間
王顯獲之以獻天戒若曰角兵象也四者四方

之象當有兵亂起於四方後河間王遂連四方之兵作爲亂階始其應也

長慶二年五月有白吐蕃至者稱隴上自去歲以來出異獸如猴而腰尾皆長色青迅猛見蕃人卽捕而食之遇漢人則否

秦孝公二十一年有馬生人占曰諸畜生非其類子孫必有非其姓者至始皇果呂不韋子

晉元帝建武元年七月晉陵牛生犢一體兩頭

京房曰牛生子二首一身天下將分之象迄漢晉之世終不能復中原

太興元年武昌太守王諒牛生子兩頭八足兩尾共一腹三年後死又有牛一足三尾司馬彪曰兩頭者政出私門京房曰足多者所任邪也足少者不勝任也其後王敦等亂相繼

晉惠帝大安中江夏張騁所乘牛言曰天下亂乘我何之騁惧而還又言曰歸何早也尋後牛

又人立而行騁之不踰月而卒

魏齊王正始中中山王周南爲襄邑長有鼠從
穴出語曰王周南爾以某日死周南不應鼠還
穴後至期更冠幘皂衣出語曰周南爾日中當
死又不應鼠復入穴斯須更出語如前日適欲
中鼠入須臾復出出入轉更數語如前日適中
鼠曰周南汝不應我更何道言絕頓蹙而死卽
失衣冠取視具如常鼠時曹爽專政競爲比周

故鼠作變也

晉武帝太康四年會稽蠶螟及蟹皆化爲鼠甚
衆復食稻爲災時帝聽讒諛寵任賈充楊駿之
應

寶顏堂訂正集異志卷之四 終



國家圖書館, NATIONAL CENTRAL LIBRARY, TAIWAN, R.O.C.

